

U cilju prevencije i suzbijanja seksualnog i rodno zasnovanog nasilja u BiH, povećanja pravičnosti, efikasnosti i transparentnosti pravosudnog sistema u BiH, prikupljanja i analize relevantnih informacija u postupcima procesuiranja predmeta seksualnog i rodno zasnovanog nasilja, sa ciljem pružanja podrške tekućem procesu reforme pravosudnog sektora, utvrđivanja sistemskih problema u procesuiranju predmeta seksualnog i rodno zasnovanog nasilja u nadležnosti pravosuđa, vršenja procjene u kojoj mjeri se pravosuđe pridržava relevantnih međunarodnih standarda i domaćih zakona koji regulišu seksualno i rodno zasnovano nasilje, te pomoći procesu izgradnje transparentnosti i povjerenja u rad pravosuđa, Centar ženskih prava (u daljem tekstu: Centar) i Općinski sud u Konjicu dana 02.03.2022. godine zaključili su

Protokol o saradnji
na implementaciji projekta
"Unapređenje prevencije i suzbijanja rodno zasnovanog nasilja u BiH"

Član 1.

Centar se obavezuje da će sve aktivnosti tokom implementacije Protokola počivati na sljedećim načelima:

- načelo nemiješanja u sudski postupak;
- načelo nepristrasnosti;
- načelo profesionalnosti;
- načelo povjerljivosti.

Praćenje suđenja vršiti će monitorke (posmatračice) koje će svoj identitet potvrđivati akreditacijom Centra, o čemu će Sud biti pismeno obaviješten.

Član 2.

Općinski sud u Konjicu se obavezuje da će osigurati pristup sudu i suđenjima monitorkama koje su određene za praćenje predmeta koji se odnose na procesuiranje seksualnog i rodno zasnovanog nasilja, što podrazumijeva:

- Odrediti službenu osobu zaduženu za kontakte i saradnju sa monitorkama, i o tome pismeno obavijestiti Centar.
- Blagovremeno obavještavati o rasporedu sudskih/krivičnih postupaka gdje su žrtve/oštećene ženskog spola, i to za:
 1. Krivična djela protiv života i tijela iz glave XVI KZ FBiH;
 2. Krivična djela protiv spolne slobode i morala iz glave XIX KZ FBiH;

3. Krivična djela protiv braka, porodice i mladeži iz glave XX KZ FBiH;
 4. Krivična djela ratnog zločina.
- Omogućiti prisustvo na ročištima za izjašnjenje o krivici, razmatranju sporazuma o priznanju krivice, izricanju krivičnih sankcija, postupcima po kaznenim nalogima i glavnim pretresima, uključujući i pristup sudenjima zatvorenim za javnost o čemu će u svakom konkretnom predmetu odlučivati postupajući sudija;
 - Omogućiti uvid i kopiranje krivičnih spisa praćenih predmeta, uključujući i predmete gdje je sudskim rješenjem javnost isključena. Odobrenje će za svaki predmet davati postupajući sudija;
 - Za arhivirane predmete iz perioda 2018-2022. godine uvid i kopiranje predmeta vršiti će se uz odobrenje Predsjednice Općinskog suda u Konjicu.

Član 3.

Protokol se zaključuje počev od dana njegovog potpisivanja od strane Centra i Predsjednice Općinskog suda u Konjicu, i traje do kraja decembra 2022. godine.

Član 4.

Na osnovu podataka prikupljenih tokom praćenja suđenja od strane monitorke izraditi će se analitički izvještaj sa preporukama i nalazima namijenjen unapređenju legislative i prakse u procesuiranju slučajeva seksualnog i rodno zasnovanog nasilja.


Član 5.

Izmjene i dopune Protokola vrše se u formi pisanog aneksa.

Član 6.


Protokol o saradnji je potpisan u šest (6) primjeraka, za svaku stranu po tri (3) primjerka.

za Centar ženskih prava



Meliha Sendić, Predsjednica

za Općinski sud u Konjicu



Almina Čilić

Broj: 1-143/22

Broj: 56 O.Su. 0924/10 22 Su